

序

范文穆公田園雜興詩六十首今見公集中此則
公之手蹟爲御史盧君師邵所得師邵景仰鄉賢
手摹是詩刊寘石湖書院公詩自有序謂作於淳
熙丙午攷之宋史公傳歲月脫略惟郡志載公淳
熙五年拜叅知政事兩月出知婺州奉祠歸起知
明州尋除端明殿學士擢江東安撫使兼行宮留
守知建康府以病請閑詩當作於其時後三年加

都序

汲古閣

石湖詩
大學士明年而公薨矣後之論者乃謂孝宗欲相
乎公以其不知稼穡之艱命遂中止公聞之因賦
此以見意蓋未為知公者也公詩在南宋與同郡
陸游廬陵楊萬里錫山尤袤號四大家為天下所
宗若其字畫之妙殆又公之餘事此卷流落郡中
觀其題識知為盧氏家藏而今復歸之師邵豈偶
然哉豈偶然哉正德十六年辛巳八月朔旦太僕
少卿鄉後學都穆敬書

叙

盧侍御師邵既作文穆公祠欲求公遺墨刻之祠
中未得也聞公嘗為田園雜興詩以寄其同年撫
州使君和仲刻之臨川學宮亦已燬於火庚辰
冬客有自浙東攜一卷來者初亦不知其為貴識
者觀之曰文穆真蹟也出入蘇黃典刑有在侍御
聞百方購得之見其復有盧氏家藏四字益驚且
喜曰豈故吾家物乎四字下有印章二一漫漶不

石湖詩
可復辨一曰建武軍節度使之印宋世州刺史建
節者稱節度使是卷豈即和仲家藏和仲豈亦盧
姓乎未可知也獨念茲卷始藏盧氏復數百年兵
火亂離幾經變故而以歸焉復歸之盧氏其不有
數乎豈文穆冥冥之中來歆廟祀鑒侍御之誠特
以其家故物完璧歸之乎乃手摹入石嵌之祠之
壁辛巳五月王鏊謹題

石湖詩集

柳花深巷午雞聲桑葉尖新綠未成坐睡覺來無
一事滿窗晴日看蠶生

土膏欲動雨頻催萬草千花一餉開舍後荒畦猶
綠秀隣家鞭筍過墻來

高田二麥接山青傍水低田綠未畊桃杏滿村春
似錦踏歌椎鼓過清明

老盆新熟土茅柴攜向田頭祭社來巫媪莫嫌滋

味薄旗亭官酒更多灰

社下燒錢鼓似雷日斜扶得醉翁迴青枝滿地花

狼藉知是兒孫鬪草來

騎吹東來里巷喧行春車馬鬧如煙繫牛莫礙門

前路移繫門西碌碌邊

寒食花枝插滿頭舊裙青袂幾扁舟一年一度遊

山寺不上靈巖即虎丘

郭裏人家拜婦迴新開醪酒薦青梅日長路好城

門近借我茅亭暝一盃

步屨尋春有好懷雨餘蹄道水如盃隨人黃犬攬

前去走到谿橋忽自迴

種園得果塵償勞不奈兒童鳥雀搔已插棘針樊

筍徑更鋪魚網蓋櫻桃

吉日初開稻種包南山雷動雨連宵今年不欠秋

田水新漲看又拍小橋

桑下春蔬綠滿畦鬆心青嫩芥臺肥谿頭洗擇店

石海詩 二
頭賣日算裹鹽沽酒歸

右春日田園雜興十二絕

紫青蓴葉卷荷香
玉雪芹芽拔薤長
自擷溪毛充晚供
短篷風雨宿橫塘

湖蓮舊蕩藕新翻
小又荷錢沒漲痕
斟酌梅天風浪緊
更從外水種蘆根

胡蝶雙又入菜花
日長無客到田家
雞飛過籬犬吠竇
知有行商來賣茶

湔裘水滿菜蘋洲
上已微寒嬾出遊
薄葺蛙聲連

曉鬧今年田稻十分秋

吳下占上已蛙鳴則無水災

新綠園林曉氣涼
晨炊蚤出看移秧
百花飄盡桑麻小
夾路風來阿魏香

三旬蠶忌閉門中
隣曲都無步往蹤
猶是曉晴風露下
采桑時節暫相逢

汗菜一稜水周圍
歲又蝸廬沒半扉
不著茭青難護岸
小舟撐取葑田歸

茅針香輒漸包茸蓬蘽甘酸半滌紅采又歸來兒
女咲杖頭高挂小筠籠

穀雨如絲復似塵煮瓶浮臍正嘗新牡丹破萼櫻
桃熟未許飛花減却春

雨後山家起較遲天窗曉色半熹微老翁欹枕聽
鶯囀童子開門放燕飛

海雨江風浪作堆時新魚菜逐春迎荻芽抽筍河
豚上棟子開花石首來

烏鳥投林過客稀前山暝到柴扉小童一棹舟
如葉獨自編欄鴨陣歸

右晚春田園雜興十二絕

梅子金黃杏子肥麥花雪白菜花稀日長籬落無
人過惟有蜻蜓蛺蝶飛

五月江吳麥秀寒移秧披絮尚衣單稻根科斗行
如鬼田水今年一尺寬

二麥俱秋斗百錢田家喚作小豐年餅爐飯甑

飢色接到西風熟稻天
百沸綠湯雪湧波縹車嘈噴雨鳴蓑桑姑盆手交
相賀綿繭無多線繭多
小婦連宵上絹機大耆催稅急於飛今年幸甚蠶
桑熟留得黃絲織夏衣
下田岸水出江流高壟翻江送上溝地勢不齊人
力盡丁男長在踏車頭
晝出耘苗夜績麻村莊兒女各當家童孫未解供

畊織也傍桑陰學賣瓜

槐葉初勻日氣涼蔥又鼠耳翠成雙三公只得三
株看閑客清陰滿北窗

黃塵行客汗如漿少住儂家敝井香借與門前盤
石坐柳陰亭午正風涼

千頃芙蓉放棹嬉花深迷路曉忘歸家人暗識船
行處時有驚忙小鴨飛

采菱辛苦廢犁鉏血指流丹鬼質枯無力買田聊

種米近來湖面亦收租

蝸蟾千萬沸斜陽蛙黽無邊聒夜長不把癡聾相
對活夢魂爭得到藜床

右夏日田園雜興十二絕

杞棘垂珠滴露紅雨蛩相應語莎叢蟲絲胃盡黃
葵葉竅磨高花側晚風

朱門巧夕沸歡聲田舍黃昏靜掩扃男解牽牛女
能織不須徼福渡河星

西

橘蠹如蠶入化機枝間垂蠶似蓑衣忽然蛻作多
花蝶翅粉纔乾便學飛

靜看檐蛛結網低無端妨礙小蟲飛蜻蜒倒挂蜂
兒窘催喚山童為解圍

垂成穡事苦艱難忌雨嫌風更怯寒牋訴天公休
掠剩半償私債半輸官

秋來只怕雨垂又甲子無雲萬事宜穫稻畢工隨
曬穀直須晴到入倉時

中秋全景屬潛夫
棹入空明看太湖
身外水天一色
城中有此月明無
新築場泥鏡面平
家又打稻趁霜晴
笑歌聲裏輕雷動
一夜連枷響到明
租船滿載候開倉
粒又如珠白似霜
不惜兩鍾輸一斛
尚贏糠覈飽兒郎
菽粟瓶罌貯滿家
天教將醉作生涯
不知新酒堪蒟未
今歲重陽有菊花

細搗橙虀買鱸魚
西風吹上四腮鱸
雪鬆酥膩干絲縷
除却松江到處無
新霜徹曉報秋深
染盡青林作纈林
惟有橘園風景異
碧叢又裡萬黃金

右秋日田園雜興十二絕

斜日低山片月高
睡餘行藥繞江郊
霜風掃盡千林葉
閑倚筇枝數鶴巢
炙背簷前日似烘
暝醺又後困蒙又
過門走馬何

官職側帽籠鞭戰北風
屋上添高一把茅密泥房壁似僧寮從教屋外陰
風吼卧聽籬頭響玉簫
松節燃膏當燭籠凝煙如墨暗房櫳晚來拭淨南
牕帟便覺斜陽一倍紅
乾高寅缺築牛宮卮酒豚蹄酌土公粘特無瘟犢
兒長明年添種越城東
放船開看雪山晴風定奇寒晚更凝坐聽一篙珠

玉碎不知湖面已成冰

撥雪挑來蹋地菘味如蜜藕更肥醲朱門肉食無
風味只作尋常菜把供

楮拙無煙雪夜長地爐煨酒暖如湯莫嗔老婦無
盤釘笑指灰中芋栗香

煮酒春前臘後蒸一年長饗甕頭清麈居何似山
居樂秫米新來禁入城

黃紙蠲租白紙催阜衣芻午下鄉來長官頭腦冬

烘甚乞汝青銅買酒廻

探梅公子欵柴門枝北枝南揔未春忽見小桃紅
似錦却疑儂是武陵人

村巷冬年見俗情隣翁講禮拜柴荆長衫布縷如
霜雪云是家機自織成

右冬日田園雜興十二絕

比嘗夏日拙句寄撫州使君和仲同年兄使
君辱和甚妙且欲盡得四時雜興今悉寫寄僕

既歸田若幸且老健則遊目騁懷之作將不止
此詩筒往來未艾也石湖居士壽櫟堂書

盧氏家藏



